

經

考

經考卷三

休寧戴震記

六詩

周禮太師教六詩曰風曰賦曰比曰興曰雅曰頌。孔穎達曰詩之四始以風為先。風之所用以賦比興為之辭。故於風之下即次賦比興。然後次以雅頌。雅頌亦以賦比興為之言事之道。直陳為正。故賦在比興之先。比之與興雖同是附託外物。比顯而興隱。當先顯後隱。故比居興先也。

程子曰詩有六體。須篇、求之、或有慕備者、或有偏得一二者。風有風動之意。興有興喻之意。比則直比。

之而已。蛾眉顰蹙是也。賦則敷陳其事。如齊侯之子
衛侯之妻是也。雅則正言其事。頌則稱美之言也。如
吁嗟乎騶虞之類是也。

呂祖謙曰。得風之體多者為國風。得雅之體多者為
二雅。得頌之體多者為頌。風非無雅。雅非無頌。

又曰。興與比相近而難辨。興之兼比者。徒以為比。則
失其意味矣。興之不兼比者。誤以為比。則失之穿鑿
矣。朱子曰。詩中說興處多。近比。如闕雉麟趾。皆是興
而兼比。然雖近比。其體却只是興。
又曰。比興之中。各有兩例。興有取所興為義者。則以

上句形容下句之情思。下句指言上句之事實。有全
不取義者。則但取一二字相應而已。要之上句常虛。
下句常寔。則同也。比有繼所比而言其事者。有全不
言其事者。學者隨文會意可也。

王應麟曰。大戴禮投壺云。凡雅二十六篇。其八篇可
歌。鹿鳴。豳。采芣。采芣。伐檀。白駒。騶虞。八篇。
廢不可歌。七篇。商。齊。可歌也。三篇。閭。歌。上林賦。擒犀
雅。張揖注云。詩小雅之材七十四人。大雅之材三十
一人。愚謂八篇可歌者。唯鹿鳴。白駒。在小雅。豳。首。今
亡。鄭氏以爲射義所引。曾孫侯氏之詩。餘皆風也。而

亦謂之雅。豈風亦有雅與？劉氏小傳或曰：「雅首鵲巢也。」篆文似之。此有「雅首」，又有「鵲巢」，則或說非矣。問若小雅除笙詩自鹿鳴至何草不黃凡七十四篇大雅自文王至召旻凡三十一篇故曰小雅之材七十四人大雅之材三十

一人以爲數言也

按周禮大師教六詩曰：「風曰賦，曰比，曰興。」曰：「雅曰頌。」風雅頌作詩有此三體也。賦比興詩之辭有此三義也。賦者指明而敷陳之也。如「窈窕淑女，君子好逑」，即賦也。比者託事比擬，不必明言而意自見也。如「鴉鵲」通篇爲鳥言是也。興者假物引端也。如「關關雎鳩，在河之洲」之類是也。樛木之詩先儒以爲興，是葛藟但

人乎哉。

江春齋先生曰、唐人釋經、不具古音、且云古人韻緩、不煩改字。宋吳棫才老始作韻補、蒐群書之韻異乎、今者音別之爲古音、明楊慎用修又增益之爲轉注、古音言韻學者、謂二家爲古韻權輿、而韻補尤毛詩功臣、余謂凡著述有三難、淹博難、識新難、精審難、二家淹博有之、識新精審則未也、三百篇後、古音亦漸尤矣、屈宋辭賦、往々有齟齬之韻、漢雖近古、時有古音、而躋駁舛謬者亦不少、魏晉而後、古韻益微、降及

唐宗口習今音而又間為古韻此何足為典據而二
家惟爭徵引殊少決擇古韻亦茫無界畔似諸韻皆
可混通此識斷之難言也古有韻之文亦未易讀稍
不精細或韻在上而求諸下韻在下而求諸上韻在
彼而誤叶此或本分而合之本合而分之或間句散
文而以為韻或是韻而反不韻甚則讀破句據誤本
雜鄉音其誤不在古人而在我二家亦徃：不免此
精密之難言也

又曰決拾既攸弓矢既調射夫既同助我舉柴此以
首句與第四句韻中二句非韻猶之民之未戾職盜
冠涼曰不可覆背善詈戾詈韻而冠可非韻也吳氏

興福履爾。然以是詩為后妃逮下。故象妾稱願之詩。中無從知其為象妾所作。徒因樛木下垂。葛藟上蔓。喻后妃逮下。象妾上附。則比之義矣。麟之趾。先儒亦以為興。然又曰。于嗟麟兮。歎美公子為麟也。麟。喻公子。趾。定角。喻公子振。仁厚。於是歎麟。即歎公子。則亦比之義也。別彼下泉。浸彼苞稂。先儒謂比王室陵夷。小國困弊。即以興下。慨然念周京。葛覃主手思婦。寧本非自為締結。然因服葛時有感。追念未嫁在父母家。曾為之首。章并及葛葉。蔓蔓黃鳥。飛鳴。總謂之賦。秦離汴水等詩。先儒又有賦其事以起興之說。然。

則賦也興也特作詩者之立言置辭不出此三者若
強拂之反自亂其例蓋情動于中而形于言何嘗以
例拘既有言矣就其言觀之非指明敷陳則託事比
擬則假物引端引端之辭亦可寄意比擬比擬之辭
亦可因以引端敷陳之辭又有虛實淺深反側彼此
之不同而似于此擬引端往往有之此三者經中
不辭自明解之反滯于一偏矣

小雅大雅

穀梁曰純乎雅之體為雅之大雅乎風之體為雅之
小太史公稱國風好色而不淫小雅怨誹而不亂若

離騷可謂兼之。言離騷兼國風小雅而不兼大雅。見小雅與風騷相類。而大雅不可與風騷並言也。

按小雅陳說人事。大雅每言天道。觀乎小雅可以知政。觀乎大雅可以達天。毛詩序謂政有大小。故有小雅焉。有大雅焉。蓋其所言之理。與樂章之體制俱因之而有別也。小雅猶近風。大雅則鄰於頌。

王風魯頌

王應麟曰。詩亡然後春秋作。胡文定謂自秦離降為國風。天下不復有雅。春秋作於隱公。適當雅亡之後。孟子集注呂成公謂蓋指筆削春秋之時。非謂春秋之

所始也。詩既亡，則人情不止於禮義，天下無復公好惡。春秋所以不得不作。與艾軒曰：文中子以爲詩者，民之情性，人之情性，不應亡，使孟子復出，必從斯言。若據按沈約曰：歌咏所興，宜自生民始也。則鄭康成詩之無性也，諫不於上，皇之世之說，非文中子曰：詩者，民之情性也。情性能亡乎？則即康成自從則後更無詩之說，非。

又曰：范甯穀梁序，孔子就太師正雅頌，因魯史修春秋，列秦離於國風，齊王德於邦君，明其不能復雅，政化不足以被群后也。然左傳襄二十九年季札觀樂於魯，已爲之歌，王矣。孔子至哀十一年始自衛反魯，樂正雅頌得所，則降王於國風，非孔子也。

章如愚曰王之風非貶王也體本風也魯之頌非褒魯也體本頌也詩體有風雅頌之殊非雅重于風頌高於雅也

顧炎武曰邶鄘衛王列國之名其始於成康之世乎惟周王撫萬邦巡侯甸而太師陳詩以觀民風其采於商之故都者則繫之邶鄘衛其采於東都者則繫之王王亦周初太師之本名馬未鄉述元滅劉先生之言亦謂邶鄘衛本商之畿內故序王之上其采於列國者則各繫之其國至驪山之禍先王之詩事已闕軼而孔子所錄者皆平王以後之詩此變風之所由名也詩雖變而大師之本名則不敢變此

十二國之所以猶存其舊也。先儒謂王之名不當僭於列國而為之說曰。列秦離於國風。齊王德于邦君。誤矣。

又曰。二南也。豳也。小大雅也。皆西周之詩也。至於幽王而止。其餘十二國風。則東周之詩也。王者之迹熄而詩亡。西周之詩亡也。詩亡而列國之事迹不可得而見。於是晉之秦。楚之檇。魯之春秋出焉。是之謂詩亡。然後春秋作也。周頌。西周之詩也。魯頌。東周之詩也。成康之世。魯豈無詩。而今亦已亡矣。故曰詩亡。列國之詩亡也。其作於天子之邦者。以雅以南。以豳

以頌則固未嘗亡也。

又曰頌者美盛德之形容以告宗廟魯之頌其君

而已而列之周頌之後者魯人謂之頌也鄭氏曰美

行又請命於周而史克作之然春秋世儒謂夫子尊

魯而進之為頌是不然魯人謂之頌夫子安得不謂

之頌乎為下不倍也春秋書公郊禘亦同此義孟子

曰其文則史不獨春秋也雖六經皆然

又曰列國之風何以無魯太師陳之周曰魯詩不謂

之頌矣孔子魯人也從魯而謂之頌此如魯史之書

公也

按周興於岐故西都之詩分繫二公其采邑則始興之地其人則布政之大臣也東都使諸侯朝覲於王之所故曰王城是以王名其地也以王名其地而其地所采詩謂之王是亦以地繫詩也又何疑乎魯頌頌之體變矣然不可謂之風其始作之也即以爲頌而作之毛詩序云季孫行父請命於周而史克作是頌未聞其所據

四始

史記閔睢之亂以爲風始鹿鳴爲小雅始文王爲大雅始清廟爲頌始

鄭康成曰、文王之德、光熙前緒、以集大命於厥身、遂為天下父母、使民有政有君、其時詩風有周南召南、雅有鹿鳴、文王之屬、及成王周公致太平、制禮作樂、而有頌聲興焉、盛之至也、本之由此風雅而來、故皆錄之、謂之詩之正經、

又曰、大雅生民下及卷阿、小雅南有嘉魚下及菁者莪、周公成王之時詩也、傳曰、文王基之、武王鑿之、周公內之、謂其道同終始相成比而合之、故大雅十八篇、小雅十六篇、為正經、大雅民勞、小雅六月之後、皆謂之變雅、美惡各以其時、亦顯善懲過、正之次也、

成伯瑜曰。詩有四始。一者正詩也。謂之正始。周召二南。國風之正始。鹿鳴至菁。一者義為小雅之正始。文王受命至卷阿。為大雅之正始。清廟至般。為頌之正始。

按四始自毛詩序史記已言之。蓋經師相傳之遺語。後儒因之。又有風雅正變之說。今考周南閟雝葛覃卷耳召南鵲巢采芣采蘋鵲巢小雅鹿鳴四牡皇者華南陔白華黍魚麗由庚南有嘉魚崇丘南山有臺由儀頌之雝酌及豳詩豳雅豳頌逸篇之九夏狸首采芻新宮之屬。見於禮經者。皆周公所定之樂。

章而太師教六詩。替滕掌六詩之歌。並定於周公。制
作禮樂時矣。余竊謂風也。小雅也。大雅也。頌也。其定
於周公者。部分有四周公已後之詩。後人所採入。因
舊部而各隸其後。則周公初定之。篇章是為詩之四
始。可知也。先王詩書禮樂。以造士而冬夏所教其初
詩之正經。惟有所謂四始者而已。今之三百十一篇
者。不知周太師採而增益之。與邾魯太師所得者。與
魯頌之名。必非列於周太師者。則孔子所據。殆魯太
師職掌所存者耳。今詩中逸其辭者。僅六篇。他若狸
首。新宮。采芣。以及驪駒。茅鴟等。當孔子正樂定詩之

時不應已逸意孔子後有亡失蓋孔子所定詩不止逸其六但篇次所在不可考而今詩之次第未必盡孔子所定之舊也亡逸錯簡篇名失傳不可周知然失亡之篇固不多以加於三百十一篇去三百大數未遠四始之為正經幽在其中若顧炎武謂南幽雅頌為四詩則又異於四始之義矣

樂章

鄭康成周南召南譜曰風之始所以風化天下而正夫婦焉故周公作樂用之邦人焉用之邦國焉或謂之房中之樂后妃夫人侍御於其君子女史歌之以

節義序故耳射禮天子以駟虞諸侯以狸首大夫以采蘋士以采芣為節今無狸首周衰諸侯並僭而去之孔子錄詩不得也為禮樂之記者從後存之遂不得其次序

小大雅譜曰其用於樂國君以小雅天子以大雅然而饗賓或上取燕武下就何者天子饗元侯歌肆夏合文王諸侯歌文王合鹿鳴諸侯於鄰國之君與天子於諸侯同天子諸侯燕羣臣及聘問之賓皆歌鹿鳴合鄉樂此其著錄大校見在書籍禮樂崩壞不可得詳

鄉飲酒禮注曰。鄉。衆者風也。小雅爲諸侯之衆。大雅
頌爲天子之衆。鄉飲酒升歌小雅。禮盛者可以進取
也。燕合鄉衆。禮輕者可以逮下也。春秋傳曰。肆夏繁
遏渠。天子所享元侯也。文王大明。兩君相見之衆
也。然則諸侯相與燕。升歌大雅。合小雅。天子與次國
小國之君燕。亦如之。與大國之君燕。升歌頌。合大雅。
其笙間之篇未聞。

周禮鍾師注曰。夏。大也。衆之大歌有九。杜子春云。王
出入奏王夏。尸出入奏肆夏。牲出入奏昭夏。四方賓
來奏納夏。臣有功奏韋夏。夫人祭奏齊夏。族人侍奏

族夏客醉而出奏陟夏公出入奏鵞夏春秋傳曰穆叔如晉：侯享之金奏肆夏之三不拜工歌文王之三又不拜歌鹿鳴之三三拜曰三夏天子所以享元侯也使臣不敢與聞國語曰金奏肆夏繁遏渠天子所以享元侯肆夏繁遏渠所謂三夏矣呂叔玉云肆夏時邁也繁遏執競也渠思文也玄謂以文王鹿鳴言之則九夏皆詩篇名頌之族類也此歌之大者載在樂章樂崩亦從而亡是以頌不能具孔穎達曰其舞則燕禮云若舞則酌是諸侯於臣得用頌又如特牲曰大夫之奏肆夏自趙文字始注云

借諸侯明諸侯得奏肆夏故郊特牲又曰賓入門而
奏肆夏示易以敬注云賓朝聘者也又大射燕禮納
賓皆云及庭奏肆夏及周禮注杜子春云賓來奏納
夏之等皆謂賓始入及庭未行禮之時與升歌合樂
別也又曰變者雖亦播於樂或無算之節所用或隨
事類而歌又在制禮之後樂不常用顧炎武曰今按
於樂如衛獻公使太師
歌巧言之平章是也

王應麟曰周有房中之樂燕禮注謂弦歌周南召南
之詩漢安世房中樂唐山夫人所作魏繆襲謂安世
歌神來燕享永受厥福無有二南后妃風化天下之

言謂房中爲后妃之歌、恐失其意、通典平調清調瑟
調、皆周房中之遺聲、

顧炎武曰、鼓鐘之詩曰、以雅以南、子曰、雅頌各得其
所、夫二南也、豳之七月也、小雅正十六篇、大雅正十
八篇、頌也、詩之入樂者也、卽以下十二國之附於二
南之後、而謂之風、鴟鴞以下六篇之附於豳、而亦謂
之豳、六月以下五十八篇之附於小雅、民勞以下十
三篇之附於大雅、而謂之變雅、詩之不入樂者也、樂
記子夏對魏文侯曰、鄭音好濫淫志、宋音燕女溺志、
衛音趨數煩志、齊音敖辟喬志、此四者皆淫於色而

害於德是以祭祀弗用也。朱子曰：二南正風，房中之樂也；鄉樂也。二雅之正雅，朝廷之樂也；商周之頌，宗廟之樂也。至變雅則棄周卿士之作，以言時政之得失，而邶鄘以下，則太師所陳以觀民風者耳，非宗廟燕享之所用也。

又曰：歌者為詩，擊者拊者吹者為器，合而言之謂之樂。對詩而言，則所謂樂者八音興於詩，立於禮，成於樂是也。分詩與樂言之也，專舉樂則詩在其中，吾自衛反魯，然後樂正，雅頌各得其所是也。合詩與樂言之也。

又曰、鄉飲酒禮工四人、二瑟、注、二瑟、二人鼓瑟、則二人歌也、古人琴瑟之用、皆與歌並奏、故有一人歌、一人鼓瑟者、漢文帝使慎夫人鼓瑟、上自倚瑟而歌、是也、師古曰、倚、即今之、以、教、令、曲、也、亦有自鼓而自歌、孔子之取瑟而歌是也、若乃衛靈公聽新聲於濮水之上、而使師延寫之、則但有曲而無歌、此後世徒瑟之所由興也、又曰、詩三百篇、皆可以被之音、而為樂、自漢以下、乃以其所賦五言之屬、為徒詩、而其協於音者、則謂之樂府、宋以下、則其所謂樂府者、亦但擬其辭、而與徒詩無別、於是乎詩之與樂、判然為二、不特樂亡而詩

亦亡

又曰：古人以衆從詩，今人以詩從衆。古人必先有詩，而後以衆和之。舜命夔教胄子，詩言志，歌永言，聲依永，律和聲，是以登歌在上，而堂上；堂下之器應之，是之謂以衆從詩。衆，國子。五王者，言古者既作詩，從而代至於不期雅衆，皆先製衆章，而後成譜，衆章以後乃先製譜，後命辭，於是辭律不相諧協，且與俗衆無異。朱子曰：詩之作本，言志而已，方其詩也，未有歌也。及其散也，未有衆也，以聲依永，以律和聲，則衆乃爲衆。出於詩者，其本而衆者，其末也。古之詩，其人有先王之風，諷誦之教，其心和，其辭不侈，而音節之間，往合於自然之律。楚辭以下，即已不必盡諧。

文心彫龍言楚辭此韻定繁降及魏晉古音遞變南北各殊故文

人之作多不可以協之音而名為樂府無以異於徒

詩者也

元稹言樂府詩題除鏡吹橫吹却祀清商詩詞在樂志者其餘才角仲卿四愁七哀之類

亦未必盡指於管絃也

人有不純而五音十二律之傳於古者

至今不變於是不得不以五音正人聲而謂之以詩

從樂以詩從樂非古也後世之失不得已而為之也

又曰漢書武帝舉司馬相如等數十人造為詩賦略

論律呂以合八音之調作十九章之歌夫曰略論律

呂以合八音之調是以詩從樂也後代樂章皆然

又曰十九章司馬相如等所作略論律呂以合八音

者也。趙代秦楚之謳，則有協有否，以李延年爲協律都尉，采其可協者，以被之音也。

又曰：安世房中歌十七章，郊祀歌十九章，皆郊廟之正樂，如三百篇之頌，其他諸詩，所謂趙代秦楚之謳，如列國之風。

又曰：樂府中如清商清角之類，以聲名其詩也；如小垂手大垂手之類，以舞名其詩也；以聲名者必合於聲，以舞名者必合於舞。至唐而舞亡矣，至宋而聲亡矣。於是乎文章之傳盛，而聲音之用微。然後詩興而樂廢矣。

按南豳雅頌或特作詩以為采章或采所有之詩定為采章漢儒有謂閔雉為畢公作者當時或有傳書如金勝左傳國語言周公作鴝鵒常棣時邁思文之類今不可考矣周南召南所謂房中之樂鄉樂是也儀禮合樂周南閔雉葛覃卷耳召南鵲巢采芣采蘋又射節用騶虞豳采蘋采芣其采蘋則本為女子教成之祭而作古人樂章一詩而教教用有如此

小雅六亡篇

毛詩序南陔孝子相戒以養也白華孝子之潔白也華黍時和歲豐宜黍稷也有其義而亡其辭鄭康成

曰。此三篇者。鄉飲酒燕禮用焉。曰笙入。立于縣中。奏
南陔。白華。華黍。是也。孔子論詩雅頌各得其所。時俱
在耳。篇第當在於此。遭戰國及秦之世而亡之。其義
則與衆篇之義合。編故存。至毛公為詁訓傳。乃分衆
篇之義。各置於其篇端。云孔穎達曰。此三篇既亡。其
辭其名曰南陔。白華。華黍。之由。必是詩有此字。不可
以意言也。

序。由庚。萬物得由其道也。崇丘。萬物得極其高大也。
由儀。萬物之生。各得其宜也。有其義而亡其辭。鄭康
成曰。此三篇者。鄉飲酒燕禮亦用焉。曰乃間歌。魚。鹿。

笙由庚。歌南有嘉魚。笙崇丘。歌南山有臺。笙由儀。亦
遭世亂而亡之。燕禮又有升歌鹿鳴。下管新宮。新宮
亦詩篇名也。辭義皆亡。無以知其篇第之意。陸德明
曰。此三篇義與南陔等同。依六月序。由庚在南有嘉
魚前。崇丘在南山有臺前。以其俱亡。使相從耳。
張子曰。人或言亡詩六篇。古無其詩。既無詩。安得有
此篇。必是有其辭。所以亡者。良由施之於笙。非若歌
之可習。

呂伯恭曰。國語。叔孫穆子聘晉。伶簫詠歌鹿鳴之三。
鹿鳴三篇。既可與簫相和。而歌則南陔以下。豈不可。

與笙相和而歌乎

王應麟曰劉原父曰南陔以下六篇有聲無詩故云笙不云歌有其義亡其辭非亡失之亡乃無也朱子

謂古經篇題之下必有譜焉如投壺魯薛鼓之節而

亡之

儀禮疏曰堂上歌者不亡堂下笙者即亡

按六亡詩之篇名蓋取之辭中亦猶閔雉葛覃卷耳之類必辭中有其字然後有此名非空名也以是知其辭亡也儀禮以其詩被之于笙而曰采曰奏猶鄉射禮采正論命太師曰奏騶虞而周禮鍾師騶虞雅首采蘋采芣皆曰奏騶章歌幽詩歌幽雅歌幽頌則幽

被于喬而曰歆、燕禮升歌鹿鳴、下管新宮、左傳、宋公
享昭于賦新宮一詩、而或被于管、或賦其辭、以是知
笙詩、籥詩、管詩之未嘗無辭也、其所以亡、或因別有
笙譜、習者取詩簡合之、殘滅之餘、全詩不見矣、

篇次世次

孔穎達曰、儀禮歌召南三篇、越草蟲而取采蘋、蓋采
蘋舊在草蟲之前、孔子已後、簡札始倒、或者草蟲有
憂心之言、故不用為常樂耳、王應麟曰、曹氏詩說、謂
齊詩先采蘋而後草蟲、
王應麟曰、近世說詩者、以閔睢為畢公作、謂得之張
超、或謂得之蔡邕、未詳所出、

又曰太史公云周道缺而閔雉作。晁景迂曰齊魯韓三家以閔雉為車卷耳鵲巢采葉采蘋駉虞鹿鳴四牡皇詩。薛士龍曰閔雉作刺之說是賦其詩者。

又曰太史公謂仁義陵遲鹿鳴刺焉蔡邕琴操鹿鳴周大臣所作也王道衰大臣知賢者幽隱彈弦風諫漢大樂食舉十三曲一曰鹿鳴杜夔傳舊雅樂四曲一曰鹿鳴二曰駉虞三曰伐檀四曰文王皆古聲辭琴操曰古琴有詩歌五曲曰鹿鳴伐檀駉虞鵲巢白駒鹿鳴在宵雅之首以為風刺蓋齊魯韓三家之說猶閔雉刺詩作諷也。呂元鈞謂陳古以風非謂二詩作于秦周

又曰史記周紀懿王之時王室遂衰詩人作刺漢句
句奴傳懿王時王室遂衰戎狄交侵暴虐中國中國
被其苦詩人始作疾而歌之曰靡室靡家玁狁之故
豈不日戒玁狁孔棘注云小雅采薇之詩也古今人
表懿王時詩作注政道既衰怨刺之詩始作然則采
薇為懿王之詩矣詩譜序懿王始受譖烹齊哀公夷
王失禮之後邛不尊賢正義謂變風之作齊衛為先
齊哀公當懿王衛頃公當夷王故先言此也愚謂采
薇正雅當從毛氏若變風則始於懿王

又曰史記句奴傳周襄王與戎狄伐鄭戎狄逐襄王

於是我狄或居于陸渾、東至于衛、侵盜暴虐中國、中國疾之、故詩人歌之曰、我狄是膺、薄伐獫狁、至於太原、出與彭、城彼朔方、漢匈奴傳則曰、宣王興師、命將以征伐之、詩人美大其功曰、薄伐獫狁、至于太原、出車彭、城彼朔方、以六月為宣王詩是也、以魯頌六月出車為襄王詩、以出車為宣王詩、而史、漢又不同、皆未詳。

又曰、詩小傳云、詩有夏正、無周正、七月陳王業、六月北伐、十月之交、刺純陰用事、而日食、四月維夏、六月徂暑、言暑之極其至、皆夏正也、而獨謂十月之交為

周正可乎漢歷幽王無八月朔食而唐歷則有之識者疑其傳會而為此也愚按正義謂校之無術而大

衍歷日蝕議云虞創以歷推之在幽王六年虞創造

梁大同歷非始於唐也鄭箋謂周之十月夏之八月

故曆家因之孫華老解春秋用鄭說謂八月秋之分

日食秋分而詩人配之安得曰分至不為災也蘓子

由陳少南皆以十月為陽月朱文公從之宋書禮志

載魏史官之言曰黃帝顓頊夏殷周魯六曆皆無推

日蝕法但有考課疎密而已大衍曆議云黃初己未

及張子信嘗改通鑑皇極經世秦始皇八年歲在壬治曆者始疎日蝕疎密

成呂氏春秋云維秦八年歲在涒灘中曆有二年之
差後之算曆者於夏之辰弗集房周之十月之交皆
欲以術推之亦已疎矣此存中云日食正陽之月先
儒止謂四月非也正謂四月陽謂十月子由詩說與
存中同

又曰朱子詩傳采菽天子所以荅魚藻也泰苗宣王
時美召穆公之詩皆非刺時愚按國語注采菽王賜
諸侯命服之采也泰苗道召伯述職勞來諸侯也韋
昭已有是說

顧炎武曰詩之世次必不可信今詩亦未必皆孔子

所正且如褒姒威之幽王之詩也。而次於前。召伯勞
之宣王之詩也。而次於後。序者不得其說。遂并楚茨
信南山甫田大田瞻彼洛矣裳者華桑扈鷺鷥魚
藻采芣十詩皆為刺幽王之作。恐不然也。又如碩人
莊姜初歸事也。而次於後。綠衣日月終風莊姜失位
而燕作送歸妾作擊鼓國人怨州吁而作也。而次於
前。朱子曰。日月傳曰。此詩當渭陽秦康公為太子時作。
也。而次於後。黃鳥穆公薨後事也。而次於前。此皆經
有明文可據。而鄭氏謂十月之交兩無正。小旻小宛
皆刺厲王之詩。十月之交有豳妻。漢興之初師移其

第耳而左氏傳楚莊王之言曰武王作武其卒章曰
者定爾功其三曰敷時繹思我徂維求定其六曰綏
萬邦屢豐年今詩但以者定爾功一章為武而其三
為賡其六為桓章次復相隔越儀禮歌召南三篇越
草蟲而取采蘋正義以為采蘋舊在草蟲之前知今
日之詩已失古人之次非夫子所謂雅頌各得其所
者矣

又曰邶鄘之亡久矣故大師但有其名而三國同風
無非衛人之作檜左傳之亡未久而詩尚存故別於
鄭而各自為風匪風之篇其西周未亡之日乎
將曰雅而

歸是錫京尚存故鄭氏譜以為當夷王
屬王之時燕氏以繪詩皆為鄭作非也

閻若璩曰嘗以歷上推周幽王六年乙丑歲十月建

酉朔日辛卯辰時正得日食非唯虞卿即唐道士傅

仁均僧一行亦步得是日日食乃知康成精于曆學

本傳稱其始通三統曆注有乾象曆抑數經解有不

可盡拘以理者此類是也又嘗以曆上推始皇八年

壬戌歲是年秋恰有甲子朔與呂覽秦八年秋甲子

朔之文合則歲在涖灘當作歲在淹茂為是不然必

以涖灘則維秦六年秋無甲子朔矣

按采薇出車杜杜漢世有謂為魏王時詩者據詩中

曰天子曰王命毛鄭解為殷王徒泥正雅作于周初爾苟其詩得乎義之正而為治世之正事何必非正雅邦文王未嘗自稱王成康已後昭穆共懿孝夷厲宣八王而宣王命吉甫北征曰獫狁孔熾則前此二百餘年間國亦有獫狁崛強之事矣宣王之臣皇父謂南仲為大祖豈必遠求南仲于文王時乎文王之臣亦未聞有南仲者矣南陔已後則又周初雅樂未可以今之詩篇次第定作詩世次也即南山以下舊說以為幽王時詩朱子嘗疑楚茨至車牽十篇為正雅錯誤在此魚麗采芣苢秦蒹葭同秦蒹言召

伯、營、謝、與、大、雅、崧、高、皆、宣、王、封、申、伯、秉、自、民、勞、至、桑、
柔、五、篇、舊、說、以、為、厲、王、時、詩、然、衛、武、公、作、祁、據、國、語、
則、年、九、十、有、五、矣、武、公、以、宣、王、三、十、六、年、即、位、作、祁、
詩、之、時、雖、不、必、九、十、五、當、在、宣、王、以、後、也、
宣王在位
四十六年
武
公九十五、則當平王二十三年

商頌國風

吳澄曰、太師所職者、當代之詩也、商則先代之詩、故、
次之、周、魯之後、

顧炎武曰、自邠至曹、皆周初太師之次序、先邠、鄘、衛、
殷之故都也、次之以王、周東都也、何以知其為周初、

之次序。邲、鄘也。晉而謂之唐也。皆西周之舊也。惟鄭乃宣王所封。中興之後。始立其名於大師。而列於諸國之先者。鄭亦王畿之內也。故次於王也。桓公之時。其詩不存。故首緇衣也。

按邲、鄘、衛者。皆衛風。猶以得名。列在太師者。分繫之爾。據國語。鄭桓公有滅虢。鄆尋十邑之謀。武公卒取之。而鄭之名。列在太師者。西鄭也。既滅虢。鄆尋十邑。遂居是。濟洛陽河。潁之間。以始受封之鄭名之。所謂新鄭。今所繫詩。新鄭之詩也。鄭之名不改。故太師所列亦不改也。唐後改曰晉。而唐之名。列在太師者。不

改從乎。始封而已。周世之國無幽。故繫國風之末。周頌列于周。魯後猶幽。列於國風後也。

古音叶韻

徐廣曰音韻之正本諸字之諧聲有不可易者如羶為亡皆切而當為陵之切者由其以羶為聲免為每罪切而當為美辨切者由其從免得聲有為云九切而賄有賄皆從有得聲則當為羽軌切矣皮為蒲麋切而波坡頗跛皆從皮得聲則當為蒲禾切矣又如服之為房六切其見於詩者凡十有六皆當為蒲北切而無房六叶者友之為云九切其見於詩者凡有

十一、皆當作羽軌切。而無與云九叶者，以是類推之。雖母以他書為證可也。

陳振孫曰：陸德明於燕、詩以南韻心，有讀南作泥心切者。陸以為古人韻緩不煩改字。此誠名言。今之讀古書者，但當隨其聲而讀之。若家之為姑，慶之為羌，馬之為姥，聲韻全別，不容不改。苟其聲相近可讀，則何必改字。

王應麟曰：吳才老詩叶韻補音序曰：詩音舊有九家。唐陸德明定為一家之學。開元中修五經文字，我心慘，為慄。七切伐鼓淵，為蘇。反於中皆與釋文異，乃

知德明之學當時亦未必盡用

戴侗曰經傳行皆戶郎切未嘗有協生韻者慶皆去
羊切未嘗有協敬韻者如野之上與切下之後五切
皆古正音非叶韻也

陳第曰一郡之內聲有不同繫乎地者也百年之中
語音遞轉繫乎時者也三百篇詩之祖亦韻之祖也
作韻書者宜權輿於此邇源沿流部提其字曰古音
某今音集則今音行而古音廢幾不泯矣

顧炎武曰古音非叶極為精當然愚以古詩中間有
一二與正音不合者如興燕之屬也而小雅末章與

音為韻、大明七章與林心為韻、我東之屬也、而常棣
四章與務為韻、常武首與祖父為韻、又如箕子洪範
則以平與偏為韻、孔子繫易、于屯、于比、于恒、則以禽
與窮中終、吝凶功為韻、于蒙、于泰、則以寔與順、巽願
亂為韻、此或出於方音之不同、今之讀者、不得不改
其本音而合之、雖謂之叶亦可、然特百中之一二耳、
閻若璩曰、字有古音、以今音繩之、祇覺其杆格不合、
猶語有北音、以南音繩之、杆格猶古也、人知南北之
音繫乎地、不知古今之音繫乎時、地隔數十百里、音
即變易、而謂時歷數千百載、音猶一律、尚得謂之通

械以調同為韻。讀調如同。引離騷為證。愚謂離騷勉
陞降以上下分。求樂護之所同。湯禹儼而求合。兮。摯
臯陶而能調。蓋屈子亦誤。以此詩為韻。故放之。古人
讀書。不必其無誤也。東方朔七諫。不量鑿而正枘兮。
恐矩矱之不同。不論世而高舉兮。恐操行之不調。則
又誤。從離騷者耳。

又曰。按殷武四章。天命降監。下民有嚴。不僭不濫。三
句連韻。嚴在嚴韻。監在去聲。五十九鑑。亦在平聲。二
十八銜。濫在去聲。五十三勘。平與去可通韻也。下文
不敢怠遑。乃間句耳。舊叶嚴側剛反。引楚辭天問為

證天問云、勲、閼、夢、生、少、離、散、亡、何、壯、武、厲、能、流、厥、嚴、
嚴亦音莊、愚謂此亦如以調韻同之類、皆古人誤讀
詩、因強做其韻耳、陳氏又為之說曰、漢明帝諱莊、改
莊助為嚴助、以其音之同也、古人改易名姓、如陳田
馬、莽之類、皆字異音同、嚴與莊義相近耳、非音同也、

李太藻鈔藏

經考卷四

休寧戴震記

周官經

漢書藝文志周官經六篇

王莽時劉歆置博士師古曰即今之周官禮也亡其

冬官以考工記充之

馬融曰秦自孝公以下周用商君之法其政酷烈與周

官相及故始皇禁挾書特疾惡欲絕滅之搜求焚燒

之獨悉又以隱藏百年孝武帝始除挾書之律開獻

書之路既出於山巖屋壁復入于秘府五家之儒莫

得見焉至孝成皇帝達才通人劉向子歆校理秘書

始得列序著子錄略然亡其冬官一篇以考工記足

之時衆儒並出共排以為非是唯歆獨識其年尚幼
務在廣覽博觀又多銳精于春秋末年乃知其周公
致太平之迹具在斯奈遭天下倉卒兵革並起疾
疫喪荒弟子死喪徒有里人河南緱氏杜子春尚在
永平之初年且九十家于南山能通其讀頗識其說
鄭衆賈逵往受業焉

鄭康成曰世祖以來通人達士大中大夫鄭少穎及
子大司農仲師議郎衛次仲侍中賈君景伯南郡太
守馬季長皆作周禮解詁玄竊觀二三君子之文章
顧省竹帛之浮辭其所變易灼然如晦之見明其所

彌縫奄然如合符復析斯可謂推達廣攬者也二鄭者同宗之大儒今讚而辨之庶成此家世之所訓也後漢書玄從東郡張恭祖受周官禮記

隋書經籍志漢時有李氏得周官蓋周公所制官政之法上於河間獻王獨闕冬官一篇獻王購以千金不得遂取考工記以補其處合成六篇奏之至王莽時劉歆始置博士以行於世

賈公彥曰按藝文志云成帝時以書頗散亡使謁者陳豐求遺書于天下詔光祿大夫劉向校書經傳諸子詩賦向輒條其篇目撮其指意錄而奏之會向卒

哀帝復使向子歆卒父業歆於是總群書奏其七略
故有六藝七略之屬歆之錄在於哀帝之時不審馬
融何云至孝成皇帝命劉向子歆考理秘書始得列
序著於錄略者成帝之時蓋劉向父子並被帝命至
向卒哀帝命歆卒父所修者

又曰林孝存以爲武帝知周官末世瀆亂不驗之書
故作十論七難以排棄之何休亦以爲六國陰謀之
書唯有鄭玄徧覽羣經知周禮者乃周公致太平之
迹故能荅林碩之論難使周禮義得條通按後漢書
云荅林孝
存周禮難凡
百餘萬言

王應麟曰禮器經禮三百鄭氏注謂即周禮三百六十官漢志禮經三百臣瓚注云周禮三百是官名也禮經謂冠昏吉凶蓋以儀禮為經禮也朱子從瓚說謂周禮乃設法分職之書禮典在其中而非專為禮設也

朱升曰周公六典本以命官而非以記禮其間所載之禮乃職掌之所及者爾

正月之吉

顧炎武曰大司徒正月之吉始和布教于邦國都鄙注云周正月朔日太宰注同正歲令于教官注云夏正月

朔日

州長既以正月之吉讀法又以正歲即此是古

人三正

並用之驗逸周書周月解曰亦越我周改正

以垂三統

至於敬授民時巡狩烝享猶自夏焉正謂

此也

如左氏桓公五年傳云凡祀啟蟄而郊龍

七月一篇之中

凡言月者皆夏正凡言日者皆周正

一之日

麇發二之日栗烈三之日于耜傳曰一之日

周正月

二之日殷正月三之日夏正月

又曰北史

李業興傳天平四年使梁武帝問尚書

正月上日

受終文祖此時何正業興對曰此夏正月

梁武帝問

何以得知業興曰案尚書中候運衡篇云

日月營始故知夏正又問堯時以前何月為正業興
對曰自堯以上書典不載寔所不知梁武又云寅賓
出日即是正月日中星鳥以殷仲春即是二月此出
堯典何得云堯時不知用何正業興對曰雖三正不
同言時節者皆據夏時正月周禮仲春二月會男女
之無夫家者雖自周書月亦夏時堯之日月亦當如
此近有楚人初為堯建子舜建丑
之說者據此闕之遂無以難

按周禮之書曰歲終曰正歲曰春秋冬夏皆夏時也
夏數得天以夏時經紀庶事斯順而易明然周之頒
朔必以周正故用夏謂之歲用周謂之年太史按其

從夏時所行之事。合以周之歷。曰此之謂正歲。年以
序事也。後儒或謂正月之吉亦夏時。其說曰。凌人掌
冰政。杜子春改政。為正屬下句。歲十有二月。令斬冰。三其凌。十二
月為夏之十二月。則正月亦為夏之正月。舍此無證
也。余以謂周禮重別歲年之名。直曰正月之吉。則知
為周正月也。不直曰十有二月。而曰歲十有二月。加
歲以明夏以別周。則知為夏時也。此周禮之義例也。
他書不如正月之吉亦夏時。是無別於正歲。而周禮
必然。大司徒正月之吉。始和布政。又曰正歲。令于教官。卿
大夫正月之吉。受教法於司徒。退而頒之於其鄉吏。

使各以教其所治。正歲令群吏考法于司徒以退。各憲之于其所治之國。州長正月之吉。各屬其州之民而讀法。正歲則請教法如初。異正月。正歲之名。而事不異。其為二時審矣。凡言正月之吉。必在歲終正歲之前。未嘗一錯舉於後。其時之相承。正月為建子之月。歲終為建丑之月。正歲為建寅之月也。周子以建子為正月。一王正朔之大。不可沒焉者也。使有夏無周。焉用改正朔哉。周禮所志於官事。無不脩。曾謂一王正朔之大。可以空其事。沒其文。而使後人之讀是書。疑若未嘗改正朔也者。則周正為大。不美而不可存也。豈周之書哉。今其

書先之以正月之吉。布政之始也。故曰始和。謂始調協
之。繼之以正歲。於是而後得徧奉以行也。六官之長。有
止言正月之吉。不言正歲者。上之所慎。在宣布之始也。
六官之屬。有止言正歲。不言正月之吉者。待上之宣
布。乃齊同奉行也。上之布之。必不能一日而徧。王畿
千里之廣。下之奉行。又同用。是日惡能相及乎哉。是
故因時制其宜。以建子之月。宣布自上一王正朔之
大。既非闕然無事。以建寅之月。百職咸舉。夏數得天。
復順其序而不違。孔子論為邦。用夏時。而作春秋。必
奉周禮。用正歲。以合天。而必先正月之吉。以著正。

朔。周公孔子之道一而已矣。

禁凶聲

顧炎武曰、凡建國禁其淫聲、過聲、凶聲、慢聲、凶聲、如殷紂好為北鄙之聲、所謂亢厲而激、未以象殺伐之氣者也、注謂亡國之聲、若桑間濮上、此則一淫聲已該之矣。

匏

熊朋來曰、八音之有匏、宜以竹稱、而乃以匏稱、是所重在匏也。

顧炎武曰、土鼓樂之始也、陶匏祭之大也、二者之音。

今仿刻日知錄作以木刻其本

非以悅耳存其質也。國語伶州鳩曰：匏竹利制。又曰：匏以宣之，瓦以贊之。今之大樂久無匏土二音。舊唐樂志：笙、女、姑氏造，列管於匏土內，箏其中。今之笙、箏雖以木代匏而漆之，無匏音矣。宗葉少遜避暑錄謂大樂久無匏土二音，笙以木刻其木而不用匏，填亦木爲之。元史：匏以班竹爲之。而八音但有其六矣。

婦人拜

王應麟曰：鄭司農注肅操，但俯下手。今時禮是也。項氏曰：古之拜，如今之揖，折腰而已。介冑之士不拜，故以肅爲禮，以其不可折腰也。其儀時歛手，向身微作曲勢。此正今時婦人揖禮也。漢時婦人之拜，不過如

以手至地

或作首至地

此或謂自唐武氏始尊婦人、不令拜伏、誤矣。周天元令婦人拜天臺、作男子拜、則雖南俗婦人亦不作男子拜也。內則尚右手者、言歛手右向、非若今用手按膝作跪也。男之尚左亦然。

閻若璩曰、劉熙釋名云、拜于婦人為扶、自袖扶而上下也。朱子曰、古者婦人首飾盛多、如副笄六珈之類、自難以俯伏地上、余謂婦人拜之重者、莫過昏禮之扱地拜、扱地拜以手至地、猶首不至手、首至手則書所謂拜手、大祝所謂空首矣。婦人無此等

太史正歲年以序事

王應麟曰太史正歲年以序事注中數曰歲朔數曰
年中數三百六十五日四分日之一朔數三百五十四
日漢歷志曰閏所以正中朔也或謂周以建子為正
而四時之事有用夏正建寅者用建寅則謂之歲用
建子則謂之年

洪範正義從冬至及
明年冬至為一歲

按周之歷法掌於馮相氏占變掌於保章氏而大史
所掌者歷日天時之書凡推步望氣不屬焉然又曰
正歲年以序事有近於推步何也曰失其傳也考諸
爾雅夏曰歲商曰祀周曰年夏數得天故殷周雖改
正朔仍兼用夏正周用夏不用殷故舉歲年不及祀

歲也者夏時也。以建寅為孟春年也者。周以建子為正月也。夏之歲。周之年。不同而兼用。不可勿正之以序別其行事。如祭祀田獵逆暑迎寒之屬。夏時繫仲春者。周為四月。繫仲秋者。周為十月。是也。鄭康成注中數曰歲。朔數曰年。中數云者。從乎日躔發歛一周。凡三百六十有五。日小餘不及四分日之一。十二分之。自前中氣入後中氣三十日而有盈分。是謂氣盛盈。朔數云者。從乎月與日會以成一月。引而合于日。凡十二月三百五十四。五日有閏月則三百八十四。日月同行謂之合朔。自前朔距後朔三十日而有虛分。是謂

朔虛中朔之法馮相氏職之矣康成據以別歲年之名稽諸古籍未有明證矧夏時首建寅若中數曰歲則起冬至建子是又二說之不可相通也然則偏信爾雅得非孤證與曰周禮有之其為夏時之正月元日謂之正歲正歲也者猶曰歲之正始也凌人歲十有二月則加歲以明夏時之十二月也以周禮為周禮一書之中焉用更端立異也哉

四時變國火以救時疾

顧炎武曰有明火有國火以陽燧取之於日司烜近於天也故卜與祭用之董氏大祝國火取之五行之

木燭近於人也。故烹飪用之。

又曰：古人用火，必取之於木，而復有四時五行之變。素問黃帝言：壯火散氣，少火生氣。季春出火，貴其新者，少火之義也。今人一切取之於石，其性猛烈而不宜人，疾疫之多，年壽之減，有自來矣。

又曰：邵氏學史曰：古有火正之官。語曰：鑽燧改火，此政之大者也。所謂光融天下者，於是乎在。

史記楚世家重黎為

帝嚳火正，能光融天下，命曰祝融。

周禮：司烜氏所掌，及春秋宋衛陳

鄭所記者，政皆在焉。今治水之官，猶夫古也。而火獨缺焉。飲知擇水，而烹不擇火，以祭以養，謂之備物。

可乎

按司燿注鄭司農說以鄒子曰春取榆柳之火夏取
棗杏之火季夏取桑柘之火秋取柞櫟之火冬取槐
檀之火與論語集解馬融說引周書月令同

異晝夜漏

王應麟曰漏刻之法晝夜百刻易氏云十二時每時八
刻二十分每刻六十分王昭禹云寅申巳亥子午卯
酉八時各八刻辰戌丑未四時各九刻愚謂易氏之
說與古法合馬融以昏明爲限鄭康成以日出入爲
限有五刻之差蔡邕以星見爲夜日入後三刻日出

前三刻皆屬晝。鄭興蔡校一刻。王伯照云晝夜長短以岳臺為定。九服之地與岳臺不同。則易箭之日亦皆少差。

按晝夜永短。隨地之南北不同。漸北則夏永者益永。冬短者益短。以至於北極下。半年為晝。半年為夜矣。漸南則夏永者漸減。而冬短者漸增。以至於赤道下。一歲恒如春秋分。無復永短矣。言其近者。南北萬里。而永短即殊。因其北極高下不同。可以推算知之也。又按古漏刻之法。晝夜百刻。每一刻為六十分。以十分為一小刻。分隸十二辰。每一辰八大刻。二小刻。梁

天監中改用九十六刻每一辰惟八刻始變古法旋廢不用今歐邏巴以晝夜為二十四小時一小時四刻合之凡九十六刻蓋本於梁天監中所改者耳

考工記

鄭目錄曰司空之篇七漢興購求千金不得此前世識其事者記錄以脩大數

賈公彥曰冬官一篇其亡已久有人蒐集舊典錄此三十工以為考工記雖不知其人又不知作在何日要知在於秦前是以得遭秦滅焚典籍韋氏裘氏等闕也

材希逸曰、考工記不特為周制也、盡記古百工之事、故匠人以世室、重屋、明堂並言之、三代制度皆在此也、但書不全矣、此書續出闕略不全、不止韋氏裘氏段氏等官而已、其先後次序亦自參錯不齊、如攻木之工、輪與弓、廔匠、車梓、若以序言、當在上篇、今梓廔匠車弓皆在下篇、而其序亦自不同、又畫績二官而止曰畫績之事、玉人亦然、意其全書凡曰之事者皆總言之、其列官自別、即車人之事、又有車人為其為其可知也、況一官非止為一事、如輪人梓人匠人車人皆一官之名、而分主數事、惜乎其不全見也、

王應麟曰考工記或以為先秦書而禮記正義云孝文時求得周官不見冬官一篇乃使博士作考工記補之漢書謂河間獻王得之非孝文時也序錄云李氏上五篇失事官一篇取考工記補之六藝論云壁中得六篇誤矣齊文惠太子鎮雍州有盜發楚王冢獲竹簡書青絲編簡廣數分長二尺有得十餘簡以示王僧虔僧虔曰是科斗書考工記周官所闕文也漢時科斗書已廢則記非博士作也

禮經十七篇

史記儒林列傳諸學者多言禮而魯高堂生最本禮

固自孔子時而其經不具。及至秦焚書，散亡益多。于今獨有士禮、高堂生能言之。而魯徐生善為容。孝文帝時，徐生以容為禮官大夫。傳子至孫徐延、徐襄，襲其天姿善為容，不能通禮經。延頗能，未善也。襄以容為漢禮官大夫。至廣陵內史。延及徐氏弟子公戶滿意、桓生、單次，皆常為漢禮官大夫。而瑕丘蕭奮以禮為淮陽太守，是後能言禮為容者，由徐氏焉。

漢書藝文志經七十篇

后氏戴氏

漢興魯高堂生傳士禮

十七篇。訖孝宣世，后倉最明。戴德、戴聖、慶普皆其弟子。三家立于學官。

漢書儒林傳孟卿東海人也。事蕭奮。召授后倉。魯閭

邱卿倉說禮數萬言。號曰后氏曲臺記。服虔曰在曲臺校書著記

因以為名。師古曰授沛聞人通漢子方。如淳曰聞人曲臺殿在未央宮

字子梁戴德延君戴聖次君沛慶普孝公孝公為東

平太傅德號大戴為信都太傅聖號小戴召博士論

石渠至九江太守由是禮有大戴小戴慶氏之學通

漢召太子舍人論石渠至中山中尉普授魯夏侯敬又

傳族子咸為豫章太守大戴授琅邪徐良族鄉為博

士州牧郡守家世傳業小戴授梁人橋仁季卿楊榮

子孫師古曰子孫崇之字也仁為大鴻臚家世傳業崇琅邪太

守由是大戴有徐氏、小戴有橋楊氏之學。

晉書元帝踐阼周官禮記鄭氏置博士荀崧上疏曰儀禮一經所謂曲禮鄭立於禮特明皆有證據宜置鄭儀禮博士一人。

隋書經籍志後漢唯曹元傳慶氏以授其子襄然三家雖存並微相傳不絕漢末鄭玄傳小戴之學後以古經校之取其於義長者作注爲鄭氏學其喪服一篇子夏先傳之諸儒多爲注解今又別行朱子曰張忠甫疑今儀禮非高堂生之書但篇數偶同爾此行則不深考於劉歆說所訂之誤又不察其所謂士禮

者特略舉首篇以明之。其曰推而致于天子者蓋專指冠昏喪祭而言。若燕射朝聘則士豈有是禮而可推耶。

王應麟曰三禮義宗云儀禮十七篇吉禮三凶禮四賓禮三嘉禮七軍禮皆亡。禮器注曲禮謂今禮也。即指儀禮而儀禮疏云亦名曲禮。晉荀崧朱文公從漢書臣瓚注謂儀禮乃經禮也。曲禮皆微文小節。如今曲禮少儀內則玉藻弟子職所謂威儀三千也。

又曰士冠禮有醕用酒注以為用舊俗士喪禮云商祝夏祝則禮之兼夏殷者。

教繼公曰儀禮先儒皆以為周公所作以其書攷之辭意簡嚴品節詳備非聖人莫能為也是經之言士禮特詳其於大夫則但見其祭祀耳而其昏禮喪禮無聞焉此必其亡逸者也公食大夫禮云設洗如饗謂如其公饗大夫之禮也而今之經則無是禮焉則是逸之也明矣又諸侯有覲禮但用於王朝耳若其邦交亦當有相朝相饗相食之禮又諸侯亦當有喪禮祭禮而今皆無聞是亦其亡逸者也

又曰禮古經十七篇其十三篇之後皆有記四篇則無之四篇者士相見大射少牢上下也然以意度之

此四篇者未必無一記之可言或者有之而亡逸焉爾儀禮諸篇之記有特為一條而發者有兼為兩條而發者亦有兼為數條而發者亦有於經意之外別見他禮者

熊朋來曰儀禮名為十七篇寔十五篇而已既夕禮乃士喪禮之下篇也有司徹乃少牢饋食禮之下篇也

何喬新曰冠昏相見三篇皆士禮也鄉飲鄉射二篇大夫禮也燕射聘覲公食大夫五篇諸侯禮也士喪既夕士虞特牲饋食四篇皆諸侯之士喪祭禮少牢

饋食有司徹二篇皆諸侯之卿大夫祭禮喪服一篇則通言上下之制

朱彞尊曰后氏之禮分為四家聞人通漢雖未立於學官而石渠禮論其議奏獨多慶氏亦必有書顧未詳篇目東漢之世曹充父子尚傳其學竊怪班史志藝文獨不及之何與

按漢志經七十篇下注云后氏戴氏七十即十七所謂士禮十七篇者也傳寫倒誤

逸禮三十九篇

劉歆遺書太常博士曰魯恭王壞孔子宅欲以爲宮

而得古文於壞壁之中逸禮有三十九書十六篇天
漢之後孔安國獻之

漢書藝文志禮古經五十六卷禮古經者出於魯淹
中及孔氏學七十篇文相似多三十九篇及明堂陰
陽王史氏記所見多天子諸侯卿大夫之制雖不能
脩猶瘡倉等推士禮而致于天子之說

鄭康成六藝論曰後得孔子壁中古文禮凡五十六
篇其十七篇與高堂生所傳同而字多異其十七篇
外則逸禮是也

賈公彥曰漢興求錄遺文有古文今文高堂生傳十

七篇是今文也。孔子宅得古儀禮五十六篇，其字皆篆書，是為古文。十七篇與高堂生同，而字多不同。餘三十九篇，絕無師說，在於秘館。

朱子曰：今儀禮多是士禮。河間獻王得古禮五十六篇，乃孔壁所藏之書，其中有天子諸侯禮，所以班固言愈於推士禮以知天子諸侯之禮，是固作漢書時，其書尚在。鄭康成亦見及之。今注疏中有援引處。

王應麟曰：藝文志謂之禮古經，未有儀禮之名。張淳云：疑後漢學者見十七篇中有儀有禮，遂合而名之。孔壁古文多三十九篇，康成不注，遂無傳焉。注謂古文作某者即

十七篇古文也。論衡以為宣帝時河內女子壞老屋得佚禮。恐非。

又曰逸禮三十九其篇名頗見於他書。若學禮見賈誼傳。天子巡狩禮見周官內宰注。朝貢禮見聘禮注。朝事儀見覲禮注。祫嘗禮見射人疏。中霤禮見月令注。及詩泉水疏。王居明堂禮見月令禮器注。古大明堂禮昭穆篇見蔡邕論本命篇見通典。聘禮志見荀子。又有奔喪投壺遷廟饗廟曲禮少儀內則弟子職諸篇見大小戴記及管子。

吳澂曰魯共王壞孔子宅得古文禮經於孔氏壁中凡五十六篇。河間獻王亦得而上之。其十七篇與儀

禮正同餘三十九篇。藏在祕府。謂之逸禮。哀帝初。劉歆欲以列之學官。而諸博士不肯置對。竟不得立。

閻若璩曰。孔壁古文禮三十九篇。讀隋牛弘傳。始知書亡於隋以前。故隋經籍志無其目。

又曰。朝事儀見大戴禮記卷十二。非逸禮也。賈誼引學禮。本禮記保傳篇。古大明堂之禮。蔡邕明言禮記皆非逸經。

按漢志云。學七十篇。文相似。多三十九篇。謂校高堂生所傳之十七篇。十七誤倒為七十。蓋禮古經五十

六卷篇各為卷寔五十六篇內減十七篇故多三十
九篇學即校也

又按本命亦大戴禮記篇名及聘禮志皆非逸禮後
壺奔喪鄭康成雖以為禮之正經而不云在逸禮中

禮記

漢書藝文志記百三十一篇七十子後學明堂陰陽

三十三篇古明堂王史氏二十一篇七十子後學者

錄云六國曲臺后倉九篇如淳曰行禮射於曲臺后

時人也曲臺晉灼曰天子射

宮也西京無太學於此行禮也
漢書景十三王列傳獻王所得書皆古文先秦舊書

周官尚書禮記

師古曰禮者禮經也禮記者諸儒記禮之說也

孟子老子之

屬皆經傳說記七十子之徒所論

漢書儒林傳倉說禮教萬言號曰后氏曲臺記

王應麟日記百三十一篇今逸篇之名可見者有三

正別名記親屬記明堂記曾子記禮運記五帝記王

度記王霸記瑞命記辨名記孔子三朝記月令記大

學記

按成帝河平三年命劉向校中秘書至東帝時復使

子歆卒父業歆于是總群書奏其七略班固因七略

以為藝文志其儒林傳云聖號小戴曰博士論石渠

至九江太守論石渠在宣帝甘露中、前於劉向校理
秘書矣、大小戴刪定禮記、在宣成之間、而班志所載
但據七略論列之舊、不及二戴篇數、後人因隋書經
籍志先言劉向考校經籍、次言大小戴記、遂以為二
戴因劉向校定者、而刪其煩重、非也、

大戴禮記八十五篇

隋書經籍志大戴禮記十三卷

漢書^傳都王太傳戴德撰梁有謚法三卷後

漢安南太守劉熙注亡

司馬貞曰大戴禮合八十五篇其四十七篇亡存三
十八篇

崇文總目大戴禮記十卷三十五篇又一本三十三篇

中興書目今所存止四十篇其篇第始三十九編次不倫也

晁公武曰大戴禮十三卷今書止四十篇其篇目三十九篇始無四十三四十四四十五六十一四篇有兩七十四蓋因舊闕錄之每卷稱今卷第幾題曰九江太守戴德撰按九江太守聖也德為信都王太傅蓋後人誤題云

王應麟曰大戴禮哀公問投壺二篇與小戴無甚異

禮察篇首與經解同。曾子大孝篇與祭義相似。而曾子書十篇皆在焉。勸學禮三本見于荀子。保傳篇則賈誼書之。保傳傳職胎教容經四篇也。漢書謂之保傳傳。

按大戴禮。宋時曾列之十四經。余嘗考定其文。記於目錄後曰。右太傳禮。見存三十有九篇。不題作注人姓名。朱子引明堂之說。二九四、七五三、六一八。鄭注曰。法龜文。以注為康成作也。惟王伯厚指為盧辨之注。辨字景宣。是書自漢迄今。注獨此一家。而脫誤特多。余嘗訪求各本。得宗本一元明本四。宋本亦有謄失。余

合五本參互校正。今春正月，盧編修紹弓以其校本示余，又得改正數事。盧編修本所失者，則余五本中或得之。若疑文闕句，無從攷得。姑俟異日。鄭康成注學記，引成王踐阼，孔冲遠以師尚父亦端冕及西折而南，皆為鄭所加。又丹書之言曰：敬勝怠者強，怠勝敬者亡。瑞書則云：敬勝怠者吉，怠勝敬者滅。義勝欲者從，欲勝義者凶。今各本不與冲遠所見同。殆俗儒未省，照徒據康成稱引竄改也。夏小正緹縞下，忽云何以謂之小正，以小著名也。朱子儀禮經傳通解移之於篇首，寔爾雅疏語。校是書者所竄入。公冠篇，太子擬焉。

各本譌作天子。吳幼清儀禮逸經亦然。幸盧注可攷。
其公冠之譌為公符。王伯厚困學紀聞已莫是正。許
叔重五經異義論明堂稱戴記禮說盛德記。魏書李
謐傳。隋書牛弘傳俱稱盛德篇。或稱泰山盛德記。蓋
隋唐已前故書。無所謂明堂篇者。朱子引明堂不引
盛德。於此知宋時之本已分。合竄易。非復前人之舊
矣。書十有三卷。凡五卷無注。卷一。卷二。卷七。卷之四
卷之五。立事至天圖十篇。題並冠以曾子。即漢藝
文志之曾子書。尚存於是。卷之九。千桀。四代。虞戴德。
誥志。卷之十一。小辨。用兵。少閒。王伯厚以為即漢志

孔子三朝七篇中隔以泰之十篇帙清亂也篇目起三十九迄八十一中有兩七十四晁公武亦云然熊朋來吳幼清皆云兩七十三陳振孫云兩七十二因竄入明堂篇題為六十七已下改者殊也注中徵引漢魏晉之儒有康成、譙周、孫炎、宋均、王肅、范甯、郭象及楊孚異物志然則為景宣注甚明。乾隆丁丑夏東原氏記。

夏小正

禮記孔子曰吾欲觀夏道是故之杞而不足徵也吾得夏時焉鄭注得夏四時之書也其書存者有夏小

正、

史記夏本紀孔子正夏時學者多傳夏小正云

隋書經籍志夏小正一卷

戴德撰

金履祥曰小正者紀候之書謂之小則固非其大者也其亦夏時之一端與聖人得之以說夏禮則必有大於此者單子曰夏令曰九有月除道十有月成梁其時倣曰收而場功時而叅撮管室之中土功其始火之初見期于司里然則舉一端而推所謂夏時者當必有制度數條之詳不可得而聞矣

按隋志大戴禮十三卷而夏小正別為卷今夏小正在

十三卷中為第四十七。朱子儀禮經傳採其篇。以此篇有經有傳。遂分別十二月之經。而以傳議一字分繫其下。余嘗攷論是篇。記其星象曰。建寅之月。夏以為正月。於時日躔降娄。初昏參已過中。猶云參中者。舉大體言之。非若後代求諸度分之細也。斗柄縣在下者。史記杓携龍角。衡殷南斗。魁枕參首。參中則魁南上。杓北下矣。二月日躔大梁。三月日躔寔沈。參伏者日所在之宿。故伏而不見也。四月日躔鶉首。故昴朝覲。南門在亢氏之南。五月日躔鶉火。故參朝覲。大火中者。夏以建午之月上合。唐虞日永星火以正仲夏。

蓋時之相去未遠也。周以建未之月。春秋傳張超曰。火星中而寒暑退。謂建未之月暑退昏中。建丑之月寒退旦中也。此惟周時則然。故周人表之紀候。凡星未中。左旋進而上。過中。左旋流而下。詩七月流火。合乎月令。季夏昏火中。皆周時數百年間也。六月日躔鶉尾斗魁北下。故杓南上也。七月日躔壽星。漢按戶者與戶南北直也。織女三星。恒嚮降婁。壽星西沒。則降婁東陞。故初昏織女東嚮。斗柄縣在下者。魁沈參首。旦參中。故斗柄北下而旦。魁參相應也。八月日躔大火。辰則伏者。爾雅大火謂之大辰。大辰房心尾也。心三星中明。

大者凡言大火主焉此所謂辰也日在則其星不見
故曰伏同日出沒矣去日半次而後朝觀旦參中者
已過中猶言之舉大體也九月日躔析木之津辰繫于日
者辰心也日將出心乃見東方十月日躔星紀南門二
星朝見于東南隅非昏見也言初昏者失其傳也織女
北嚮而旦星紀東陞故降婁值北織女恒嚮降婁者也
十有一月日躔玄枵十有二月日躔娵訾之口凡夏時日躔
所在與今差二次與周時差一次星之見伏昏旦中悉因之而異

曾子十篇

漢書藝文志曾子十八篇

名參孔
子弟子

隋書經籍志曾子二卷目一

按曾子書漢志隋志皆別行今不復有傳本惟大傳禮中曾子立事至曾子天圓十篇為兩卷篇題皆冠以曾子二字其即漢志曾子之尚存者無疑

孔子三朝七篇

漢書藝文志孔子三朝七篇

師古曰今大戴禮有其一篇蓋孔子對魯哀公

語也三朝見公故曰三朝

王應麟曰孔子三朝七篇大戴禮記千乘四代虞戴德誥志小辨用兵少間凡七篇

公冠篇

按禮記四十九篇、據鄭目錄考之、於劉向別錄屬制度者、六、曲禮上下、王制、禮器、少儀、深衣是也、屬通論者、十六、檀弓上下、禮運、玉藻、大傳、學記、經解、哀公問、仲尼燕居、孔子閒居、坊記、中庸、表記、緇衣、儒行、大學是也、屬明堂陰陽者、二月令、明堂位是也、屬喪服者、十一、曾子問、喪服小記、雜記上下、喪大記、奔喪、問喪、服問、閒傳、三年間、喪服四制是也、屬世子法者、一、文王世子是也、屬子法者、一、內則是也、屬祭祀者、四、郊牲、祭法、祭義、祭統是也、屬樂者、一、樂記是也、屬吉事者、六、檀弓、壺冠、義昏、義鄉飲酒、義燕、義聘、義是也、孔沖遠於樂

記下云。按別錄禮記四十九篇。樂記第十九。則樂記
十一篇入禮記也。在劉向前矣。據孔氏所云。樂記入
禮記在劉向之前。是小戴定禮記。劉向別錄曾列其
書也。別錄於諸篇既各以類從。而又列小戴禮記之
目。故孔氏謂按別錄禮記四十九篇。樂記第十九。今
樂記一篇。本十一篇。或小戴所含為一篇。劉向校書。共得
二十三篇。別錄於禮記外。更列樂記。故孔氏又云。至劉向為
別錄時。更載所入樂記十一篇。又載餘十二篇。總為
二十三篇。孔氏於喪服四制下。又云。案別錄無喪服四
制之文。然則別錄列禮記四十九篇之目者。固有喪

服四制而其諸篇之文各以類從者闕此一篇也又後

漢書橋玄傳七世祖仁從同郡戴德學著禮記章句

四十九篇號曰橋君學成帝時為大鴻臚仁即班固

所云小戴授梁人橋仁季卿者也

當云從同郡戴聖學作戴德者誤

仁親受禮於小戴其書已為四十九篇劉向當成帝

時授理秘書仁亦成帝時為大鴻臚而小戴定禮記必稍

在前故向得列之別錄而仁又為章句也隋書經籍志

脫一刪字序二戴于劉向後又曰戴聖大戴之書為四十六篇

謂之小戴記漢末馬融遂傳小戴之學融又足月令一

篇明堂位一篇樂記一篇合四十九篇而鄭玄受業於

融又為之注。不知其說何所本。融遠在劉向。橋仁之
後。劉橋所見。皆已四十九篇矣。鄭康成六藝論。云戴聖
傳禮四十九篇。不言四十六。及融所加。其於目錄。亦絕不
及融。陸德明孔沖遠。皆隋末唐初之儒。猶不言融加三
篇。隋書成於唐。去漢已遠。傳聞應有失定者。不足信也。

曲禮

王應麟曰。道德仁義。非禮不成。至是以君子恭敬撙
節退讓。以明禮。見賈誼新書禮篇。劉原父謂若夫坐
如尸。立如齊。乃大戴記曾子事父母之辭。若夫二字
失於刪去。然則曲禮之所采。據非一書也。

又曰古以車戰春秋時鄭晉有徒兵而騎兵蓋始於
戰國之初曲禮前有車騎六韜言騎戰其書當出於
周末然左氏傳左師展將以昭公乘馬而歸公羊傳
齊魯相遇以鞍為几已有騎之漸閻若璩曰程大昌
雅錄云古皆乘車
今古公重父曰走馬思此時或已變乘為騎蓋避走
之遽不暇駕車按樂師云行以肆夏趨以采薺車亦
如之注王行于大寢之中則奏肆夏詩為節趨於朝
廷之上則奏采薺詩為節行曰趨而趨疾故車之疾徐
亦以二詩為節也釋名疾行曰趨疾趨
日走車既可謂之趨則亦可謂之走

月令

王應麟曰夏小正曰正月啟蟄月令孟春蟄蟲始振
仲春始雨水注云漢始以驚蟄為正月中雨水為二

月節左傳啟蟄而郊建寅正月正義云太初以後更改氣

名以雨水為正月中驚蟄為二月節迄今不改為改啟

蓋避景帝諱周書時訓雨水之日獺祭魚驚蟄之日桃始

華易通卦驗先雨水次驚蟄此漢太初後曆也月令

正義云劉歆作三統歷改之又按三統歷穀雨三月

節清明中而時訓通卦驗清明在穀雨之前與今曆

同然則二書皆作於劉歆之後時訓非周公書明矣

是以朱子集儀禮取夏小正而不取時訓馬融注論

語謂周書月令有更火之文其篇今亡閻若璩曰三

元年三月二日庚申驚蟄三月者建寅之月與左氏
啟蟄而郊月數同時訓解雖未必周公書而先雨水

後驚蟄則是寫人以
後之節以上古歷耳

又曰周書序周公辯二十四氣之應以明天時作時

訓唐大衍曆議七十二候原于周公時訓月令雖頗

有增益然先後之次則同自後魏始載于曆乃依易

軌所傳不合經義今改從古李業興以來迄麟德曆凡七家皆以雜始乳為

立春初候東風解凍為次候與周書相校二十餘日一行改從古義漢上易圖云夏小

正具十二月而無中氣有候應而無日數時訓乃五

日為候三候為氣六十日為節二書詳略雖異大要

則同易通卦驗所記氣候比之時訓晚者二十有四

早者三當以時訓為定故楊子雲太平二十四氣閏

子明論七十二候皆從時訓

又曰月令冬祀行淮南時則訓冬祀井太乎數云冬為井唐月令冬祀井而不祀行

錢嘏曰月令於劉向別錄屬明堂陰陽記則是篇本

古明堂遺制呂氏從而錄之秦有天下不聞有事于

明堂蓋非不韋所撰而蔡邕王肅張華皆言是周公作必有所據呂氏錄明堂陰陽記舊文於首以為綱

附以八覽六論為目中間雜入秦官無足怪也且言

太尉為秦官者據漢百官表之文也然晉語公使祁奚為元尉韋昭注云中軍尉也鐸過冠為與尉韋昭

注云上軍尉也。管子分州以為十里，里為之尉。又曰：
憲審藏於里尉，則尉之稱不自秦始，亦周官之名矣。
按月令昏旦中星，與夏小正大致差一次。此歲差之說
也。歲差者，以恒星每歲東移，積至二千一百餘年而
差及一次。昏旦中星既變，則北斗所指亦殊。鄭注
於十二月之下，皆曰斗建某之辰，非也。余嘗就周髀
之書考之，而知月建之說。由于北極作璿璣四游解
曰：今人所謂赤道極者，即魯論之北辰。周髀之正北
極也。又曰：北極樞，今人所謂黃道極者，即周髀之北
極璿璣也。虞夏書在璿璣玉衡以齊七政，蓋設璿璣。

以擬黃道極後失其傳莫之能述羣說紛馳私臆罔
據矣正北極者左旋之樞北極璿璣每晝夜環繞之
而成規冬至夜半在正北極下子位是為北游所極
日加郊之時在正北極左正東是為東游所極日加
午之時在正北極上午位是為南游所極日加酉之
時在正北極右正西是為西游所極此璿璣之一日
四游所極也冬至夜半起正北子位晝夜左旋一周
而又過一度法古度漸進至四分天周之一則春分夜
半寔為東游所極故夏至夜半南游所極秋分夜半
乃西游所極此璿璣之一歲四游所極也古者冬夏

致日故周髀之文但舉二至則二分可知也又錯舉
冬至卯酉則每日必周四游皆可知也又作月建解
日月建之說由來古矣漢人據逸周書以為斗杓移
辰者失其傳也試以正北極為中以北極璿璣環繞
而成之規均分十有二宮冬至夜半璿璣起正北子
位是為建子晝夜一周又過一度古度小寒則過丑
位大寒爰正丑位是為建丑立春過寅宮雨水爰正
寅位是為建寅驚蟄過卯宮春分爰正卯位東游是
為建卯清明過辰宮穀雨爰正辰位是為建辰立夏
過巳宮小滿爰正巳位是為建巳芒種過午宮夏至

爰正午位

所南游極

是為建午。小暑過未宮。大暑爰正未

位。是為建未。立秋過申宮。處暑爰正申位。是為建申。

白露過酉宮。秋分爰正酉位。

所西游極

是為建酉。寒露過

戌宮。霜降爰正戌位。是為建戌。立冬過亥宮。小雪爰

正亥位。是為建亥。大雪過子宮。冬至復正子位。

所北游極

如是終古不變。非若斗杓所指。虞夏迄今已差兩次。

也。

又按祖冲之曰。月位稱建。諒以氣之所本。名隨寔著。

非謂斗杓所指。近校漢時已差半次。審斗節時其效。

安在。今攷北極璿璣四游與日經黃道發歛相應而。

二十四氣因之。祖氏所謂諒以氣之所本。雖未能確言其識卓矣。

又按唐明皇黜月令舊文。更附益時事。名御刪定月令。改置第一。宋景祐二年始復舊月令。而唐月令別行。唐開成中石經及徐堅初學記所引皆唐月令也。於昏旦中星。悉改從唐時節氣星象。

禮運

王應麟曰。禮運致堂胡氏云。子游作。呂成公謂蜡賓之歎。前輩疑之。以為非孔子語。不獨親其親。子其子。而以堯舜禹湯為小康。是老聃墨氏之論。朱文公謂程子論

堯舜事業非聖人不能。三王之事大賢可為。忍亦微有此意。但記中分裂太甚。幾以帝王為有二道。則有病。又曰白虎通云。禮運記曰。六情所以扶成五性也。今禮此五性仁義禮智信。韓子原性與此合。

經禮三百曲禮三千

朱子曰。今按禮經威儀。劉向作經禮曲禮。而中庸以禮經為禮儀。鄭玄等皆曰。經禮即周禮三百六十官。曲禮即今儀禮冠昏吉凶。其中事儀三千。以其有委曲威儀。故有二名。臣瓚曰。周禮三百。特官名耳。經禮謂冠昏吉凶。蓋以儀禮為經禮也。而近世括蒼葉夢得曰。經禮制

之凡也。曲禮文之目也。先王之世二者蓋皆有書藏於有司。祭祀朝覲會同則太史執之以誨事。小史讀之以諭衆。而卿大夫受之以教萬民。保氏掌之以教國子者亦此書也。愚意禮篇三名。禮器為勝。諸儒之說。瓚葉為長。蓋周禮乃制治立法設官分職之書。於天下事無不該攝。禮典固在其中。而非專為禮設也。不應指其官目以當禮篇之目。又況其中或以一官兼掌衆禮。或以數官通行一事。亦難計其官數以充禮篇之數。至於儀禮則其中冠昏喪祭燕射朝聘自為經禮大目。亦不容專以曲禮名之也。但曲禮之篇。

未見於今何書為近、而三百三千之數、又將何以充之耳、又嘗攷之經禮、固今之儀禮、其存者十七篇、而其逸見於他書者、猶有投壺奔喪、遷廟中霤、苛菑、其不可見者、又有古經增多三十九篇、而明堂陰陽王史氏記數十篇、及河間獻王所輯禮樂古事、多至五百餘篇、儻或猶有逸在其間者、大率且以春官所領五禮之目約之、則其初固當有三百餘篇亡疑矣、所謂曲禮、則皆禮之微文小節、如今曲禮少儀內則玉藻弟子職篇、所記事親事長起居飲食容貌辭氣之法、制器備物宗廟宮室衣冠車旗之等、凡所以行乎經禮之中者、其篇之全數、

雖不可知然條而析之亦應不下三千有餘矣

明堂位

王應麟曰明堂位成王命魯公祀周公以天子之禮樂春秋意林曰魯之有天子禮樂殆周之末王賜之非成王也魯惠公使宰讓請郊廟之禮於天子天子使史角往惠公止之其後在魯寔始為墨翟之學使成王之世魯已齊矣則惠公奚請惠公之請也殆由平王以下乎惠公事見呂氏春秋仲春公是閭若璩曰公是即劉始發此論博而篤矣石林止齋皆因之原文

又曰魯公之廟文世室也武公之廟武世室也按春

秋成公六年立武宮武宮非始封之君毀已久而復立蓋僭用天子文武二祧之禮春秋之所譏而記以

為禮乎

閻若璩曰季文子以葬之功立武宮左氏明矣

又曰魯世家伯禽之孫潰弑幽公而自立周昭王之十四年也諸侯篡弑之禍自此始記謂君臣未嘗相弑不亦誣乎太史公曰捐謀之禮則從矣行事何其戾也

又曰孔子曰魯之郊禘非禮也周公其喪矣春秋屢書以譏其僭又書新作南門新作雉門及兩觀皆僭王制曰若以王禮為常用則如泮宮閼宮春秋不書

矣

正業

王應麟曰大學之教也時教必有正業朱子曰古者唯習詩書禮樂如易則掌於太卜春秋則掌於史官學兼通之不是正業子思曰夫子之教必始于詩書而終於禮樂雜說不與焉

閻若璩曰吳文正謂易者占筮之繇辭春秋者侯國之史記自夫子贊易修春秋後學者始以易春秋合先王教士之四術而爲六經余亦謂孔子世家孔子以詩書禮樂教弟子蓋三千焉此道樂正之常法至

及門高弟方授以易春秋故曰身通六藝者七十有二人六藝乃六經非周官之所云六藝也

樂記

漢書藝文志樂記二十三篇自黃帝以下至三代樂各有名孔子曰安上治民莫善于禮移風易俗莫善于樂二者相與並行周衰俱壞樂尤微眇以音律為節又為鄭衛所亂故無遺法漢興制氏以雅樂聲律世在樂官頗能紀其鏗鏘鼓舞而不能言其義六國之君魏文侯最為好古孝文時得其樂人竇公獻其書乃周官大宗伯之大司樂章也武帝時河間獻王

好儒與毛生等共采周官及諸子言樂事者以作樂記獻八佾之舞與制氏不相遠其內史丞王定傳之以授常山王禹。成帝時為謁者數言其義獻二十四卷記劉向校書得樂記二十三篇與禹不同其道寢以益微。

桓譚新論曰竇公年百八十歲而目皆盲文帝奇之問曰何因至此對曰臣年十三失明父母哀其不及衆技教鼓舞琴臣導引無所服餌。

孔穎達曰按鄭目錄云名曰樂記者以其記樂之義此于別錄屬樂記蓋十一篇合為一篇謂其樂本有

樂論有樂施、有樂言、有樂禮、有樂情、有樂化、有樂象、
有賓卑賈、有師乙、有魏文侯。餘有十二篇，其名猶在。
二十四卷記，無所錄也。其十二篇之名，按別錄十一
篇餘次：奏樂第十二、樂器第十三、樂作第十四、意始
篇十五、樂穆第十六、說律第十七、季札第十八、樂道
第十九、樂義第三十、昭本第二十一、昭頌第二十二、
實公第二十三是也。按別錄禮記四十九篇，樂記第
十九則樂記十一篇入禮記也。在劉向前矣。至劉向
為別錄時，更載所入樂記十一篇，又載餘十二篇，總
為二十三篇也。

吳澂曰禮經之僅存者猶有今儀禮十七篇。樂經則亡矣。其書疑多是聲音樂舞之節。少有辭句可誦讀。記識。故秦火之後無傳。諸儒不過能言樂之義而已。而劉向所得樂記二十三篇。又與河間獻王所撰二十四卷不同。其二十三篇內之十一合為一篇。蓋亦刪取要略。非全文也。

徐師魯曰。漢興制氏世為樂官。頗能紀其鏗鏘鼓舞而不能言義理。其言義理則此篇是也。當是古來流傳文字。而河間獻王寔纂述之。非成於漢儒也。按樂記十一篇。據皇侃所分。自首至王道脩矣。為樂

本自樂者為同。至則此所與民同之為樂論。自王者
功成作樂。至于聖人曰禮樂云為樂禮。自昔者舜作
五絃之琴。至先王著其教焉。為樂施。自夫民有血氣
心知之性。至是以君子賤之也。為樂言。自凡姦聲感
人。至則所以贈諸侯也。為樂象。自樂也者。情之不可變
者也。至然後可以有制於天下也。為樂情。自魏文侯
問於子夏曰。至彼亦有所合之也。為魏文侯。自賓牟
賈侍坐於孔子。至不亦宜乎。為賓牟賈。自君子曰禮
樂不可斯須去身。至可謂盛矣。為樂化。自子貢見師
乙而問焉。至末為師乙。